




Installaziun da sur Marcel Köhle a Breil

Dumengia vargada è sur Marcel Köhle vegnì installà sco plevon da Breil, Dardin e Danis-Tavanasa.

5



Festa da reformaziun en Val Schons

Dumengia proxima vegn festivà a Ziran la festa da la reformaziun cun plets, chant e musica.

11

südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch



L'autura Chatrina Josty preschainta sia prüma aigna publicaziun.

FOTO S. HERMANN

Prüma aigna ouvra litterara da Chatrina Josty

■ (anr/afi) A chaschun dals Dis da Litteratura a Domat preschainta Chatrina Josty sia prüma aigna publicaziun «Barbacor/Herzkater». Il cudesch cun 100 paginas cumpiglia raquints rumantschs e tudais-chs ed illustraziuns da la collecziun da putrets da l'autura. Ella tocca pro la generaziun «Y», quella generaziun chi ha la libertà da tscherner e da metter tuot in dumonda. Seis

texts raquintan dad üna generaziun chi viva in ün muond global, simultan, passager e sragischà. Chatrina Josty ha passantà si'infanzia a Bravuogn ed es actualmaing magistra illa scoula primara da Lai. «Barbacor/Herzkater» es il prüm tom da la nouva seria «Ord chadaina» da la Chasa Editura Rumantscha.

> PAGINA 9

Da Rueun tier Uncle Sam

Il musical «Adia Surselva – hello New York» sveglia grond interess

DAD AUGUSTIN BEELI / ANR

■ Dapresent discuora l'entira Surselva dil musical a Rueun. Il Chor mischedau Rueun-Siat presenta per la quarta gada in toc che siu dirigent Gion Tschuor ha fatg. L'acziun sebase sin fatgs dalla historia locala. Suenter l'inscenzaziun da Suworov ils 1999, «Brischa, stria» ils 2001 e «Nina – la Polaca» ils 2008 suonda «Adia Surselva – hello New York». Igl ei la historia da Nuscha Retherford-Cadalbert ch'ei emigrada 1955 da Rueun a New York. El musical empen ella d'enconuscher a Geneva il giuven Toni Cavelti da Sagogn. Omisus emigreschan, ella ell'America, el en Canada. Ils aspecturs han priu plaz en sutgas sin ina tribuna alzada ora. Ins haveva udiu ch'il musical cuozì treis uras. Las sutgas cumadeivlas ein stadad d'engrau. Excepiu la calira han ins gudiu gl'arranschament. Igl'orchester da combra ad hoc cugl'autur, compositist ed inscenerad Gion Tschuor alla testa ha empuniu ed accumpignau gl'entir scenari cun discuors, cant communabel, du-



Uncle Sam, il spért american (Tarcisi Cavigelli) ensemen cullas allegorias, mumma Helvezia (Pierina Dolf, seniester) e Columbia (Ursula Brändli Capaul).

FOTO A. BEELI

ets, chor viril, chor da dunnas, quartets ed era solos. Ins ha l'impressiun d'esser en in musical professional. La historia che Gion Tschuor ha scret tracta dall'em-

graziun. Ins ha saviu separticipar a melanconia, legria, plascher dalla veta e da gliued giuvna plein marveglias. Bialas damas ed umens galants, la gliued da Rueun

dils onns tschunconta, vestgida conform al temps, sebrattan sin tribuna.

> PAGINA 3



Cun agüd da pumpas geotermicas as poja trar a nüz la chalur i'l terrain.

MAD

Prolungar vita da sondas geotermicas

■ (anr/fa) Adüna daplüssas chasas tiran a nüz la chalur illa terra. Quai ha per consequenza cha'l terrain as sfradainta per part. A Scuol vain realisà actualmaing ün proget pilot. Da la partida es eir l'Uffizi federal d'energia. Trais chasas identicas da la surfabricaziun Monolit a Sotchè servan per cungal differentas variantas e cumbinaziuns d'energia solara e chalur geotermica. Quista surfabricaziun

dal patrun da fabrica Acla Immo-biglias SA chi vain realisada da la Fanzun AG Architekten-Ingenieur-Berater sarà a fin da l'on 2020. Daspö duos ons dan plüssas chasas a l'uffizi federal la pussibilità da far ils tests chi han il böt da verer schi nu füss pussibel cun agüd d'energia solara da prolungar la vita da las sondas geotermicas.

> PAGINA 9

Cussegl da Vaz refusa il preventiv

■ (rtr) Pervi da diversas midadas tar las investiziuns, ha il cussegl communal da Vaz refusà il preventiv dal 2018. La raschun è, ch'il chantun ha spustà la renovaziun da la via tranter Parpan e Valbella sin l'onn 2019, tge ch'avess era chaschunà custs per la vischnanca. Plinavant sa retardà il project per la construcziun d'ina nova chasa da parcar. Sco quai che Johann Gruber, il chanzlist da Vaz, ha ditg dettia uschia 1,6 milliuns damain investiziuns per l'auter onn. L'emprim d'essa ussa vegnir fatgas las correcturas. Quellas vegnan preschaintas a la sesida extraordinaria dals 17 da november. La radunanza communal che tracta silsuent il preventiv adattà è vegnida spustada sin ils 18 da december. Plinavant ha il cussegl tractà la lescha da firads. Encunter la proposta da la suprastanza, ha il cussegl decidì, che butias cun excepziun da furnarias e conditorias duain era en l'avegnir stuair avair serà durant ils firads uffizials. Quai èn Venderdi sontg, Pasca, Tschuncaisma, il di da rogaziun e Nadal. Sco firà local duai restar Numnasontga, Nossadunna d'avust duai perencunter vegnir schlià. Qua è il cussegl communal suandà a la suprastanza.

La pli veglia Romontscha

Elsa Schmucki-Bundi ha cumpleniü il 105

■ (anr/abc) Ier ha il president communal da Glion saviu gratular alla pli veglia habitonts da sia vischnanca. Elsa Schmucki-Bundi ei era la pli veglia Romontscha. Tenor informaziun digl'uffeci cantunal eis ella la pli veglia dunna, in um ei aunc pli vegls che Elsa Schmucki-Bundi. Cu ella ei naschida, ils 30 d'october 1912, fuva l'Emprema uia mundiala aunc buca rutta ora ed in miez

avon, igl'avrel 1912, fuva la «Titanic» sfundrada. Eil'Europa veseva ei ora cumplet auter avon 105 onns. Ella cronica mundiala vala quei onn 1912 sco significativ per differents conflicts che cuavan e che han lu menau dus onns pli tard alla gronda uia. Elsa Schmucki-Bundi ei naschida e carschida si a Castrisch e leu ha ella passentau sia entira veta. L'Elsi ha maridau il Songaglies Josef Schmucki ed ha tratg si dus fepls. Avon otag onns e

miez ha ella stuiu bandunar Castrisch e prender dimora ella casa da vegls e da tgira a Glion. Cumparegliau cun persunas ch'ei 20 onns pli giuvnas ch'ella eis ella da buna constituziun corporala ed era siu spért ei aunc detg vivs. Ier ha il president communal da Ilanz/Glion, Aurelio Casanova, visitau la seniore e gratulau ad ella. La giubilara ha engraziu per las fluras e manegiau ch'ella sappi far nuot auter pli che spitgar.

La giubilara da 105 onns Elsa Schmucki-Bundi.

FOTO A. BEELI



20044

Servetsch d'abunents e da distribuziun: tel. 0844 226 226 mail: abo@somedia.ch